

ПАТРИОТТЫҚ ТӘРБИЕ - ЖАСТАРҒА ӨНЕГЕ

Патриотизм – бұл қайбір ұлттың болмасын жүрегінен орын алатын дүние. Әрбір ел өзінің халқын патриоттық сезімге баулуға тырысады. Бұл басты қағида. Ал енді адамның патриоттық сезімге толы жүрегінің болуы, ол сезімнің көңілде мәңгі орналасуы бала кездегі тәрбиеден басталады десек артық айтқанымыз болмас.

«Бала ұяда не көрсе, ұшқанда соны іледі»-деген бұл жолдар өте орынды айтылған десек қателеспейміз. Қазіргі таңда бала тәрбиесіне көп көңіл бөлген жөн, себебі баланың болашақтағы қозғалысы, міне осыған байланысты. Баланы қалай тәрбиелеген жөн және балағы нені үйреткен абзал, міне осы тұрғыда біздің бүгінгі айтылатын еңгімеміз кеңінен өрбитін болады. Біздегі тақырып, ол «Халық ауыз әдебиеті арқылы бастауыш сынып оқушыларын патриоттық сезімге тәрбиелеу». Бұл дегеніміз бастауыш сынып оқушылардың патриоттық сезімін дамытудың басты жолы, ол осы халық ауыз әдебиеті болып табылады. Демек, ұстаз халық ауыз әдебиетіне сүйене отырып, халықтық құндылықтарды айта келе, мақал-мәтел, даналық сөздер, жаңылтпаш, жұмбақтарды байланыстыра келе, балаға дұрыс жолды көрсете алады. Бұл біздегі кейде қалып қоятын, көңілді түсіретін жағдай болып табылады. Балалық шақтан өткен жас жеткіншекке де осы тұста ЖОО-да бойына патриоттық сезімді құйып отыру қажет. Осы орайда қара шаңырақ ҚазҰУ әр түскен студентке ерекше көңіл аударып, түрлі іс-шаралар, патриоттық сезімге толы кештер ұйымдастырып келеді.

Иярова А., Журентаев Ж., Жәми Б.

ТУҒАН ЖЕР - АЛТЫН БЕСІК!

Туған жер – бізді қоршап тұрған барлық нәрсе. Бұл дыбыстар мен түстерге, әсерлері мен ашылымдарымен ерекшеленетін үлкен нәрсе. Мен үшін Отанымыз алғашқы қадамдармен, алғашқы кітаптармен басталды. Әдемілік елдердің әртүрлілігінен. Отан – бұл жайлы жер, туыстық, тәрбиелеу және тәрбиелеудің түп-тамырымен байланысты орын.

Ал, бүгінгі таңдағы мәселе қайсы? Қазақ еліне, жеріне деген патриоттық сезімін қоя тұрғанда, тіпті, өз тілінде сөйлей алмайтын дәрежеге жетті. Бұның бәрі заман талабы дейміз бе? Жоқ, бұның бәрі сананың осы жаққа бұрылуында. Қазақ тілінде білмеу ұят емес, қазақ жерінде тұрып, орыс тілінде білмеу ұят, мінеки, осындай жағдайға келдік. Әрине, бұның бәрі қарынды аштыртады. Бірақ, амал не, көш жүре түзеледі демекші, ең алдымен, қандастарымыздың барлығына, елін, жерін, Отанын сүюді үйрете білсек, олардан нағыз патриот шығары анық. Бұған біздің қосар үлесіміз, өзіміздің қара шаңырақ Қазақ Ұлттық университетіміздің студенттерін осы жолда, патриоттық сезімге тәрбиелеу, еліне, жеріне деген сүйіспеншілігін арттыру. Сөзімді қорыта келе, мына бір өлең жолдарымен аяқтағым келеді.

Туған жердің тауыменен атты таң,
Жас балаша қуануда әрбір жан
Болмасамда ақын, әнші, сазгер де
Бір сен үшін, шырқатамын жазып ән!

Арзимбетова М.Б., Белисарова



«ҮЗДІК ЖАС ҒАЛЫМ» ТӨСБЕЛГІСІ



Қазіргі таңда көптеген салалардың қарқынды дамып жатқаны белгілі. Ғылымның арқасында адамзат тұрмысына, өміріне қажетті жаңалықтар ашылуда. Ал ғылымның әр саласы білімнің дамуымен тығыз байланысты.

Оның себебі, жастардың үздіксіз қозғалысынан, еңбегінен деп білеміз. Бұл жағдайлар, ел болашағына бей-жай қарамайтын әр адамға қуаныш сыйлары анық. Соның ішінде, ғылымда жүрген жастарымыз жайында бүгін бір ой бөліскім келіп отыр.

Расселдің пікірінше: «Ғылым адамы (мен түгелдей бәрін атап тұрғаным жоқ, яғни ғылым адамдарының көбі ғалым емес, – мен ғылым адамы туралы, оның қандай болуы туралы айтып тұрмын) – бұл ықыласты, абай, бірізгілікті, ол тек өз тәжірибесіндегі қорытындыларға сүйенеді және түгел жалпылауға дайын

емес, ол теорияны тамаша, симметриялы және синтетикалық сипатта болғандығына қарап қабылдамайды; ол оны бөлшектеп және қосымша зерттейді».

Иә, ғылым адамының елге берер пайдасы орасан зор. Біздегі жастардың ғылым саласына аса назар аударып, үлкен биіктерді әзірден бағындырып жатқаны бізді қуантады. Соның бірі әрі бірегейі қара шаңырақ ҚазҰУ-дың биотехнология мамандығының 3-курс докторанты Нармуратова Жанар Бахытовна. Бұл студентім еңбекқорлығы, ізденімпаздығымен қоса, адамгершілік тұрғысынан өте жақсы адам. Сол ізденімпаздығының арқасында, бүгінгі таңда «Жас ғалым 2020» төсбелгісімен марапатталып отыр. Бұл біз үшін үлкен бір жеңіс.

Жылы жүзді, таза көңіл, пәк жаның,
Ізденіп сен, ғылымға жол бастадың.
Әр уақытта тілекшіңбіз өзіңнің
Құт әкелсін, бұл төсбелгі «Жас ғалым».

Әсерлі шумақпен мен сөзімді қорытындылайын. Қарқынды дамыған заманда, үздіксіз білім алып, дамып жатқан осындай шәкірттерді көргенде, болашағымыздың жарқын болатынына сеніміміз мол. Еш тоқтамай, талмай, «Тек алға» деген ниетпен үлкен белестерді бағындыруды, барлық «Жас ғалым», жастарға тілеймін!

Мейрамкуль ХУДРЕТОВНА,

әл-Фараби атындағы ҚазҰУ, биотехнология кафедрасының доценті

БҰЛ ЖЫРЫМДЫ АРНАДЫМ ТҮЛЕКТЕРГЕ

Үңіліп қарадым мен жүрегіме,
Құлақ түріп бәрінің тілегіне.
Бүгін мен бұл жырымды арнайыншы
Қара шаңырақ ҚазҰУ-дың түлегіне.

Бүгінгі тақырып ЖОО жайлы болмақ. Еліміздегі үздік университеттердің бірі әл-Фараби атындағы ҚазҰУ-не жыл сайын Қазақстанның түкпір-түкпірінен мыңдаған түлектер тапсырады. Бірақ оған: білім деңгейі жоғары, шығармашылық қабілеті дамыған, талпынысы, ізденісі жоғары, бәсекеге қабілетті жастар ғана түсу мүмкіндігіне ие болады. Ол өз кезегінде бітіруші түлектердің жұмыс берушілер, ірі компаниялар арасында сұранысқа ие болуымен тікелей байланысты.

Қазіргі жаһандану заманында университеттер интеграцияға бейім болып келеді. Осыған орай студенттер мен магистрант, докторанттар арасында халықаралық академиялық мобильдік қарастырылған. Ол дегеніміз студенттеріміз тәжірибе алмасу, білім жинақтау мақсатында шетелге барып, білім алуға мүмкіндігі бар. Бұл білім ордасын көптеген студенттердің таңдауының келесі бір факторы: озық ғылыми кітапхананың орналасуы. Жас ізденімпаз барлық қажет ақпаратты орталықтандырылған кітапханадан таба алады. Қажет оқулықтың бар жоғын білу үшін электронды кітапханаға кіріп, тапсырыс берсе болғаны, сол оқулық бөлімшелерге келіп түседі. Келесі артықшылығы кітапханада интернет желісі орнатылған, демек ақпараттар оқулықтар мен шектеліп қоймай, шетелдік журнал-газет басылымдарын қолдануға мүмкіндік береді.

ҚазҰУ-дегі оқу ерекшелігі: кең ауқымды ғылыми база, жоғары білікті оқытушы құрамы, ғылым мен біліммен айналысуға арналған жоғары мүмкіндік жасалу және жастар үшін тартымды жағы: белсенді де қызықты студенттік өмір. Жастардың белсенді студенттік өмірі мәнді де, әмбебап. Олар түрлі университет, факультет деңгейіндегі жоспарлар мен бағдарламалар негізінде жүзеге асып отырады. Студенттердің уақытын шығармашылыққа бағыттауы көзқарастарын, өз ой-пікірлерін қалыптастырады. Қазіргі күні университет қабырғасында көптеген студенттердің өзін-өзі басқаратын ұйымдар тіркелген. Оған кез келген студент өзінің көшбасшылық қабілетін көрсете отырып мүше бола алады. Бұл ұйымдар негізінде жастар біліммен қатар, шығармашылық пен ұйымдастырушылық, ортамен, қоғаммен қарым-қатынас орнатуға үйренеді, көптеген достарға кезігеді. Сол үшін мұнда оқыған әрбір түлектің ЖОО таңдауда жолдары болды деп, үлкен сеніммен айтқым келеді.

Жайлаубай Б., Нурланова Б., Белисарова Ф.Б.